



BOSNA I HERCEGOVINA
PARLAMENTARNA SKUPŠTINA
ZAJEDNIČKA KOMISIJA
ZA EVROPSKE INTEGRACIJE

Broj : 01,02-011-958-2/03
Sarajevo, 1. juli 2003.

ZAPISNIK

sa 2. sjednice Zajedničke komisije za evropske integracije

Sjednica je održana 30. juna 2003. sa početkom u 9.00 sati.

Sjednici su prisustvovali sljedeći članovi Zajedničke komisije: Fatima Leho, Filip Andrić, Vinko Radovanović, Boško Šiljegović, Nenad Mišić, Ilija Filipović, Branko Zrno, Selim Bešlagić i Mehmed Suljkanović.

Sjednici je prisustvovao i gospodin Osman Topčagić, direktor Direkcije za evropske integracije.

Odsutni su bili : Milorad Živković, Hilmo Neimarlija i Halid Genjac.

Predsjedavajuća Komisije predložila je sljedeći

DNEVNI RED

1. Peti međuparlamentarni sastanak Parlamentarne skupštine Bosne i Hercegovine (Komisija za evropske integracije) i Evropskog parlamenta (Delegacija za odnose sa zemljama Jugoistočne Evrope) u Briselu 9. i 10. jula 2003.
2. Razno

Komisija je razmatrala predloženi Dnevni red Zajedničke komisije za evropske integracije Parlamentarne skupštine BiH i jednoglasno ga usvojila.

Ad 1. Peti međuparlamentarni sastanak Parlamentarne skupštine BiH (Komisija za evropske integracije) i Evropskog parlamenta (Delegacija za odnose sa zemljama Jugoistočne Evrope) u Briselu 9. i 10. jula 2003.

U uvodu za prvu tačku dnevnog reda gđa Leho je istakla da je potrebno da Komisija imenuje delegaciju koja će učestvovati na Petom međuparlamentarnom sastanku te da se obave pripreme za učešće delegacije na ovom sastanku, u čemu će pomoći Direkcija za evropske integracije na čelu sa gospodinom Topčagićem.

Gospodin Filipović je predložio da delegaciju koja će učestvovati na Petom međuparlamentarnom sastanku u Briselu čine predsjedavajuća Zajedničke komisije za evropske integracije, dva zamjenika predsjedavajuće i još tri člana Komisije. Gospodin Radovanović je predložio da ta tri člana delegacije budu Srbin iz Predstavničkog doma, te Hrvat i Bošnjak iz Doma naroda. Gđa Leho je predložila da član delegacije bude gospodin Suljkanović. Predloženo je da navedena tri člana delegacije budu Nenad Mišić, Mehmed

Suljkanović i Branko Zrno. Prijedlozi su jednoglasno usvojeni i zaključeno je da delegaciju koja će učestvovati na Petom međuparlamentarnom sastanku u Briselu čine: Fatima Leho, Filip Andrić, Vinko Radovanović, Nenad Mišić, Mehmed Suljkanović i Branko Zrno. Zaključeno je da će pored članova Zajedničke komisije član delegacije na ovom sastanku biti i gospodin Osman Topčagić, direktor Direkcije za evropske integracije.

U vezi s materijalima za pripremu za navedeni sastanak u Briselu gospodin Topčagić je obavijestio članove Komisije da Direkcija radi na prevođenju dokumenata sa sastanka Evropska unija – Zapadni Balkan u Solunu i da će ti prevodi biti dostavljeni članovima Komisije. Gospodin Topčagić je istakao da će za sastanak u Briselu biti zanimljive informacije o dinamici usvajanja zakona koje je nametnuo OHR, o održanoj sjednici Parlamentarne skupštine BiH o evropskim integracijama i njenim zaključcima, kao i informacije o ljudskim pravima, smanjenju vojski, borbi protiv organiziranog kriminala. Bilo bi potrebno informirati članove Evropskog parlamenta o radu Komisije Buldožer, o Razvojnoj strategiji BiH (PRSP), o radu na Studiji izvodljivosti, u vezi s kojom će se za dva dana održati treća serija razgovora Direkcije s Evropskom komisijom. Gospodin Topčagić je dodao da će Direkcija dostaviti članovima Komisije listu slabosti koje su identificirane u razgovorima s Evropskom komisijom. Prioritetne teme su i preuzimanje političkog “vlasništva”, održiva ekonomija i rad institucija. U vezi s pitanjem rada institucija gospodin Topčagić je istakao da Direkcija nastoji da reaguje na stvari na koje ukazuje Evropska komisija. Jedna od takvih stvari bila je imenovanje direktora Veterinarskog ureda, što je učinjeno. Ukazano je na potrebu za imenovanjem direktora Agencije za statistiku. Objavljen je konkurs za direktora ove Agencije. Ima još pet ili šest institucija gdje je potrebno imenovati direktore i na to će se fokusirati Direkcija odnosno Vijeće ministara (instituti za standarde, mjeriteljstvo, akreditaciju). Također je potrebno osnivanje dviju specifičnih institucija, konkurencijskog vijeća, koje će pratiti tržište, i vijeća za zaštitu potrošača, koje će sprječavati monopol. Svi ovi prijedlozi i informacije biće dostavljeni Parlamentarnoj skupštini.

Gospodin Mišić je ukazao na potrebu za logističkom podrškom Komisiji, za sekretarom i finansiranjem, posebno zbog obima i značaja poslova koji očekuju Komisiju.

Gđa Leho je istakla da je potrebno da Zajednička komisija pripremi poslovnik.

Gospodin Bešlagić je predložio da Zajednička komisija kao temu za razgovore u Briselu predloži finansiranje povratka izbjeglica u BiH i mogućnost učešća Evropskih zajednica u procesu povratka. Prijedlog je jednoglasno usvojen.

Ad. 2. Razno: Gospodin Topčagić je obavijestio članove Komisije o planovima da se u Sarajevu održi seminar o pripremama države za evropske integracije, na kojem će izlagati dužnosnici iz Slovenije koji su predvodili poslove na pripremama Slovenije za evropske integracije. To će biti širi skup, na koji će biti pozvani svi dužnosnici na svim nivoima vlasti.

Zapisnik sačinila:
Sena Bajraktarević

Fatima Leho,
predsjedavajuća Zajedničke komisije
za evropske integracije